



«19» 04 2019թ

[Signature]
Վարչ

Որոշում N 394

Վարչական տույժ նշանակելու մասին

ՀՀ առողջապահական և աշխատանքի տեսչական մարմնի ղեկավար Էդգար Խուրշուդյանս, ուսումնասիրելով.

1. ՀՀ տարածքային կառավարման և զարգացման նախարարի 2019 թվականի փետրվարի 04-ի թիվ 01/15.2/652-19 գրությունը,
2. 2019 թվականի փետրվարի 25-ի, մարտի 6-ի թիվ 564-Ա, 615-Ա հրամանները՝ վարչական վարույթ հարուցելու և զննում իրականացնելու մասին,
3. 2019 թվականի փետրվարի 25-ի, մայիսի 7-ի թիվ 01/1472-19, 01/1909-19 ծանուցումները՝ վարչական վարույթ հարուցելու և զննում իրականացնելու մասին,
4. 2019 թվականի փետրվարի 26-ի, մայիսի 12-ի զննման արձանագրությունները,
5. 2019 թվականի ապրիլի 3-ի, ապրիլի 10-ի վարչական իրավախախտման վերաբերյալ թիվ 320, 361 արձանագրությունները,
6. 2019 թվականի ապրիլի 3-ի, ապրիլի 10-ի N 01/2853-19, N 01/3208-19 ծանուցագրերը՝ արձանագրված խախտումների հետ կապված վարչական իրավախախտումների վերաբերյալ գործի քննությանը մասնակցելու վերաբերյալ
7. 2019 թվականի մարտի 22-ի, մարտի 29-ի առաջադրանք տալու մասին թիվ 01/2507-19, 01/2787-19 կարգադրագրերը

Պարզեցի

1. Նկարագրական մաս

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «բ» կետը և հաշվի առնելով ՀՀ տարածքային կառավարման և զարգացման նախարարի 2019 թվականի փետրվարի 04-ի թիվ 01/15.2/652-19 գրությունը, ՀՀ առողջապահական և աշխատանքի տեսչական մարմնի կողմից 2019 թվականի փետրվարի 25-ին, մարտի 6-ին հարուցվել է վարչական վարույթներ: Հարուցված վարչական վարույթների շրջանակներում ՀՀ առողջապահական և աշխատանքի տեսչական մարմնի Հարավային տարածքային կենտրոնի մասնագետի կողմից 2019 թվականի փետրվարի 26-ին, մայիսի 12-ին «ՐԻՏԱՐՍ» ՍՊ ընկերությանը պատկանող՝ Արմավիրի մարզի Նորակերտ համայնքում, Երևան-Էջմիածին մայրուղու վրա գործող գազալցակայաններում (ՀՎՀՀ 04428415) (այսուհետ՝ Ընկերություն) իրականացվել է զննում՝ ՀՀ առողջապահության նախարարի 2010 թվականի հոկտեմբերի 01-ի «Ավտոբենզալցակայաններին և ավտոգազալիցքավորման ճնշակայաններին ներկայացվող հիգիենիկ պահանջներ» N 2.1.7.004-10 սանիտարական կանոններով և նորմերով (այսուհետ՝ Սանիտարական կանոններ և նորմեր) թիվ 21-Ն հրամանով հաստատված 3-րդ գլխով, ՀՀ առողջապահության նախարարի 2009 թվականի ապրիլի 16-ի թիվ 06-Ն հրամանով հաստատված «Հասարակական զուգարաններին ներկայացվող հիգիենիկ պահանջներ» N 2-III-2.13 սանիտարական կանոնների և նորմերի հավելվածով սահմանված պահանջների պահպանումը պարզելու նպատակով: Զննման արդյունքում 2019 թվականի փետրվարի 26-ին, մայիսի 6-ին կազմվել է զննման արձանագրությունները: Զննումից պարզվել է.

Արմավիրի մարզի Նորակերտ համայնքում գործող գազալցակայանի զուգարանի մոտեցման ճանապարհը ապահովված չէ՝ համապատասխան ցուցատախտակներով, զուգարանը ապահովված չէ մաքրման գույքի պահպանման համար սենքով կամ պահարանով, անհատական խցերում և նախամուտքում պատի կախիչներով, զուգարանն ապահովված չէ հեղուկ օճառով, ձեռքերի չորացման համար էլեկտրական սարքով կամ թղթյա միանվագ օգտագործման սրբիչներով, զուգարանի թղթով, խցիկներում՝ աղբանոթներով, լուսամուտի օդանցքները ցանցապատված չեն, մաքրման գույքը չի պահվում առանձին սենքում՝ կամ պահարանում, հասարակական զուգարանի մաքրման և ախտահանման աշխատանքների վերաբերյալ չկա պատին փակցված ժամանակացույց, որտեղ աշխատակցի կողմից պետք է կատարվեն նշումներ՝ յուրաքանչյուր մաքրման աշխատանքից հետո, հասարակական զուգարանի ախտահանման

համար չեն օգտագործվում 1%-ոց քլորամին Բ, վացոլ-ախտահանող միջոցներ՝ 5 գ. 100սմ² մակերեսի հաշվարկով, 0.5%-անոց վացոլ նյութի և քլորամին Բ-ի խառնուրդ, կալցիումի հիպոքլորիդի (0.5%) կամ Առողջապահության նախարարության կողմից սահմանված կարգով թույլատրված համարժեք այլ լուծույթներ, տարին 2 անգամ չեն կատարվում միջատասպան և կրծողասպան աշխատանքներ, հասարակական զուգարանում կենցաղային աղբի չի կուտակման կափարիչի ոտնակային հարմարանքով աղբարկղերում տեղադրված պոլիէթիլենային տոպրակներում, հասարակական զուգարանի սենքերի օդային միջավայրը հոտից և վնասակար մանրէներից զերծ մնալու համար չի ենթարկվում ճառագայթման (օզոնացման միջոցով)՝ առնվազն երեք ամիսը մեկ անգամ, որոնք հանդիսանում են ՀՀ առողջապահության նախարարի 2009 թվականի ապրիլի 16-ի թիվ 06-Ն հրամանով հաստատված «Հասարակական զուգարաններին ներկայացվող հիգիենիկ պահանջներ» N 2-III-2.13 սանիտարական կանոնների և նորմերի հավելվածի 2-րդ գլխի 8-րդ, 2-րդ գլխի 9-րդ կետի 5-րդ և 6-րդ ենթակետերով, 4-րդ գլխի 26-րդ, 27-րդ, 28-րդ, 29-րդ, 31-րդ, 33-րդ, 36-րդ, 37-րդ կետերով սահմանված պահանջների խախտում:

Արմավիրի մարզի Երևան-Էջմիածին մայրուղու վրա գործող գազալցակայանի զուգարանի մոտեցման ճանապարհը չունի համապատասխան ցուցատախտակներ, զուգարանը ապահովված չէ մաքրման գույքի պահպանման համար սենքով կամ պահարանով, զուգարանը ապահովված չէ արհեստական լուսավորությամբ, ջեռուցմամբ, զուգարանն ապահովված չէ բնական կամ արտաձիգ օդափոխանակությամբ՝ օդի արտաձգման մղանցքներով (խորշ), զուգարանի սենքերը և սարքավորումները չեն պահվում մաքուր վիճակում, զուգարանն ապահովված չէ հեղուկ օճառով, ձեռքերի չորացման համար էլեկտրական սարքով կամ թղթյա միանվագ օգտագործման սրբիչներով, զուգարանի թղթով, խցիկներում՝ աղբանոթներով, հասարակական զուգարանի մաքրման և ախտահանման աշխատանքների վերաբերյալ չկա պատին փակցված ժամանակացույց, որտեղ աշխատակցի կողմից պետք է կատարվեն նշումներ՝ յուրաքանչյուր մաքրման աշխատանքից հետո, հասարակական զուգարանի ախտահանման համար չեն օգտագործվում 1%-ոց քլորամին Բ, վացոլ-ախտահանող միջոցներ՝ 5 գ. 100սմ² մակերեսի հաշվարկով, 0.5%-անոց վացոլ նյութի և քլորամին Բ-ի խառնուրդ, կալցիումի հիպոքլորիդի (0.5%) կամ Առողջապահության նախարարության կողմից սահմանված կարգով թույլատրված համարժեք այլ լուծույթներ, հասարակական զուգարանում չի կատարվում ամենօրյա մաքրում և ախտահանում՝ սենքերի պատերին, սարքավորումների մակերեսներին, հատակին առկա է տեսանելի ախտոտվածություն, տարին 2 անգամ չեն կատարվում միջատասպան և

կրճողասպան աշխատանքներ, հասարակական զուգարանում կենցաղային աղքի չի կուտակման կափարիչի ոտնակային հարմարանքով աղբարկղերում տեղադրված պոլիէթիլենային տոպրակներում, հասարակական զուգարանի սենքերի օդային միջավայրը հոտից և վնասակար մանրէներից զերծ մնալու համար չի ենթարկվում ճառագայթման (օզոնացման միջոցով)՝ առնվազն երեք ամիսը մեկ անգամ, սանիտարական սարքավորումները, լվացարանները չահագործվում են ոչ սարքին վիճակում, ասարակական զուգարանը ապահովված չէ մշտական հոսող ջրով, , որոնք հանդիսանում են ՀՀ առողջապահության նախարարի 2009 թվականի ապրիլի 16-ի թիվ 06-Ն հրամանով հաստատված «Հասարակական զուգարաններին ներկայացվող հիգիենիկ պահանջներ» N 2-III-2.13 սանիտարական կանոնների և նորմերի 2-րդ, գլխի 8-րդ, 2-րդ գլխի 9-րդ կետի 5-րդ և 6-րդ ենթակետերով , 10-րդ , 11-րդ , 4-րդ գլխի 25-րդ, 26-րդ , 29-րդ, 31-րդ 34-րդ , 33-րդ , 36-րդ , 37-րդ , 38-րդ , 39-րդ կետերով սահմանված պահանջների խախտում:

Հիմք ընդունելով Վարչական իրավախախտումների վերաբերյալ ՀՀ օրենսգրքի 255-րդ հոդվածը 2019 թվականի ապրիլի 3-ին, ապրիլի 10-ին կազմվել է N 320 , N 361 վարչական իրավախախտման վերաբերյալ արձանագրությունները, որոնք վարչական իրավախախտումների վերաբերյալ գործի քննության ծանուցման հետ միասին ուղարկվել է Ընկերության տնօրեն Արմեն Հակոբյանին:

2019 թվականի մարտի 22-ին, մարտի 29-ին կազմվել «ՐԻՏԱՐՍ» ՍՊԸ-ին առաջադրանք տալու մասին թիվ 01/2507-19, թիվ 01/2787-19 կարգադրագրերը, որոնք ուղարկվել են Ընկերության տնօրեն Արմեն Հակոբյանին: ՀՀ առողջապահական և աշխատանքի տեսչական մարմնում 2019 թվականի ապրիլի 11-ին (Նորակերտ համայնք), ապրիլի 19-ին (Երևան-Էջմիածին մայրուղի) կայացած վարչական իրավախախտման գործի քննությանը Ընկերության տնօրեն Արմեն Հակոբյանը՝ չնայած պատշաճ ծանուցմանը, չէր ներկայացել: Վարչական իրավախախտման վերաբերյալ գործի քննության ընթացքում ՀՀ առողջապահական և աշխատանքի տեսչական մարմնի Հարավային տարածքային կենտրոնի հիգիենիկ, սանիտարահիգիենիկ և հակահամաճարակային վերահսկողության բաժնի բժիշկ համաճարակաբան Քնարիկ Համբարձումյանը ներկայացրել է Ընկերությունում զննման ընթացքում արձանագրված խախտումները:

2. Պատճառաբանական մաս

Վարչական մարմինը հաստատված է համարում, որ խախտվել են ՀՀ առողջապահության նախարարի 2009 թվականի ապրիլի 16-ի թիվ 06-Ն հրամանով հաստատված «Հասարակական զուգարաններին ներկայացվող հիգիենիկ պահանջներ» N 2-III-2.13 սանիտարական կանոնների և նորմերի հավելվածով սահմանված պահանջները: Վարչական իրավախախտումների վերաբերյալ գործի քննության արդյունքում վարչական մարմինը, քննելով գործում առկա բոլոր փաստական հանգամանքները, հաստատված է համարում, որ կատարվել է վարչական իրավախախտում, որի համար պատասխանատու է Ընկերության տնօրեն Արմեն Հակոբյանը:

Վերջինիս կողմից վարչական իրավախախտում կատարելու մեջ առկա չէ «Վարչական իրավախախտումների վերաբերյալ» ՀՀ օրենսգրքի 33-րդ հոդվածի 1-ին մասով և 34-րդ հոդվածի 1-ին մասով սահմանված վարչական պատասխանատվությունը մեղմացնող և ծանրացնող հանգամանքներ:

«Վարչական իրավախախտումների վերաբերյալ» ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն: Նշված իրավանորմից հետևում է, որ օրենսդիրը վարչական իրավախախտման առկայության հիմքում դրել է մեղքի առկայությունը, որը կարող է դրսևորվել դիտավորությամբ կամ անզգուշությամբ: Վարչական մարմինը գտնում է, որ Արմեն Հակոբյանի կողմից իրավախախտումը կատարվել է անզգուշությամբ: «Վարչական իրավախախտումների վերաբերյալ» ՀՀ օրենսգրքի 11-րդ հոդվածի համաձայն՝ վարչական իրավախախտումը համարվում է անզգուշությամբ կատարված, եթե այն կատարած անձը կանխատեսել է իր գործողության կամ անգործության վնասակար հետևանքների առաջացման հնարավորությունը, բայց հույս է ունեցել կանխելու դրանք, Արմեն Հակոբյանը կանխատեսել է իր գործողության կամ անգործության հակաիրավական բնույթը, սակայն ոչ գիտակցաբար թույլ է տվել այդ հետևանքների առաջացումը:

«Վարչական իրավախախտումների վերաբերյալ» ՀՀ օրենսգրքի 14-րդ հոդվածի համաձայն՝ պաշտոնատար անձինք ենթակա են վարչական պատասխանատվության այնպիսի

վարչական իրավախախտումների համար, որոնք կապված են կառավարման կարգի, պետական ու հասարակական կարգի, բնության, բնակչության առողջության պահպանության ոլորտում սահմանված կանոնները և մյուս այն կանոնները չպահպանելու հետ, որոնց կատարման ապահովումը մտնում է նրանց պաշտոնական պարտականությունների մեջ: Նշված հոդվածից հետևում է, որ Արմեն Հակոբյանը ՀՀ օրենսդրությամբ սահմանված կարգով քաղաքացիաիրավական և վարչաիրավական հարաբերություններում հանդես է գալիս որպես Ընկերության տնօրեն՝ պաշտոնատար անձ:

«Վարչական իրավախախտումների վերաբերյալ» ՀՀ օրենսգրքի 42-րդ հոդվածի 1-ին մասի համաձայն՝ սանիտարական, սանիտարահիգիենիկ և սանիտարահակահամաճարակային կանոնները և նորմաները (բացի սննդամթերքի անվտանգության ոլորտի և մթնոլորտային օդի պահպանության կանոններից և նորմաներից), հիգիենիկ նորմատիվները խախտելը առաջացնում է տուգանքի նշանակում պաշտոնատար անձանց նկատմամբ՝ քառասնապատիկից մինչև հարյուրքսանապատիկի չափով:

3. Եզրափակիչ մաս

Ղեկավարվելով «Վարչական իրավախախտումների վերաբերյալ» ՀՀ օրենսգրքի 279, 281, 283-րդ հոդվածներով և 282-րդ հոդվածի 1-ին մասով, 35-րդ հոդվածի 2-րդ մասով՝

Որոշեցի

1. «ՐԻՏԱՐՍ» սահմանափակ պատասխանատվությամբ ընկերության տնօրեն Արմեն Հակոբյանը՝ սանիտարական նորմերի պահանջները խախտելու համար, «Վարչական իրավախախտումների վերաբերյալ» ՀՀ օրենսգրքի 42-րդ հոդվածի 1-ին մասով ենթարկել վարչական տույժի՝ սահմանված նվազագույն աշխատավարձի վաթսունապատիկի չափով՝ 60.000 (վաթսուն հազար) ՀՀ դրամ վարչական տուգանքի:
2. Սույն որոշումը ծանուցել «ՐԻՏԱՐՍ» սահմանափակ պատասխանատվությամբ ընկերության տնօրեն Արմեն Հակոբյանին:

3. Սույն վարչական ակտն ուժի մեջ է մտնում վարչական վարույթի մասնակիցներին իրազեկելուն հաջորդող օրվանից:
4. Սույն վարչական ակտն ստանալու օրվանից 30 օրվա ընթացքում կարող է բողոքարկվել ակտն ընդունած Տեսչական մարմին կամ ՀՀ վարչական դատավարության օրենսգրքի 72-րդ հոդվածով սահմանված ժամկետում՝ ՀՀ վարչական դատարան:

19.04.2019

X

VERIFIED OCSP 19.04.2019 18:00:03 GMT+4

Подписано: KHURSHUDYAN EDGAR 4001830221

ԷԴԳԱՐ ԽՈՒՐՇՈՒԴՅԱՆ

Ինձ բացատրվել է, որ համաձայն «Վարչական իրավախախտումների վերաբերյալ» ՀՀ օրենսգրքի 305-րդ հոդվածի տուգանքը պետք է վճարվի իրավախախտողի կողմից տուգանքը նշանակվելու մասին որոշումը հանձնվելու օրվանից ոչ ուշ, քան տասնհինգ օրվա ընթացքում:

Ծանոթություն՝

Իրավախախտման համար կիրառվող տուգանքի վճարման պետքությունից հաշվի համարը՝ ՀՀ առողջապահական և աշխատանքի տեսչական մարմնի համար իրավախախտումների համար կիրառվող տուգանքների և պատժամիջոցների մուտքեր N 900005024097:

Որոշումը ստացա _____

(անունը, հայրանունը, ազգանունը, պաշտոնը, ամսաթիվը)

Որոշումը ստանալուց և ստորագրելուց հրաժարվելու մասին նշում _____

Նշում որոշումը պատվիրված փոստով ուղարկելու և ստանալու ծանուցման մասին _____

(ուղարկելու ամսաթիվը, փոստային առաքանու համարը, փոստային առաքանին հասցեատիրոջը հանձնելու վերաբերյալ ծանուցագրի համարը)
երաբերյալ ծանուցագրի համարը)